

四川綦江續志卷二

邑舉人邛州訓導戴綸喆編輯

鹽茶

向邑於縣署設有鹽茶一房綦不產鹽而為蜀運黔四峽之一綦民因食計鹽聽商自運丁文誠奏改官運以來規模又一新矣茶產無多照舊徵銀現已稟銷立案志鹽政茶課積穀亦文誠遺愛故

附

鹽政

四川綦江續志

卷二

鹽茶

雍正八年巡撫憲德奏行計口授鹽初額綦江併富順蓬溪潼川水引五十五自綦江行貴州遵義府各州縣銷水引二十二

乾隆三十年間鹽商何光升等因本廠乏鹽援照通融改配富廠借行綦峽彼此訐控光升等退回

涪彭並鹽法志

同治五年自流井遭李逆蹂躪富廠三鹽知縣楊銘請以白鹽使民初每觔價二十六七錢旋定三十二年百觔捐百錢助軍需賊平後此訐控銘請

撤回射岍

九年貴州委員抽釐石角鎮明年擬移城按引徵收知縣楊銘請飭行商赴黔立店出售旋經黔撫撤回釐局仍於桐梓松坎加抽

十三年邑紳張應星等以乾隆間每觔定價銀一分六釐五毫在案今昂至二分有奇且引少人衆恐外商仍願原引朦充請照糧納課按戶增引以充用知縣教立榜詳請定案初咸豐八年因貴州軍興每引一張徵銀五兩助軍需嗣於同治六年

四川綦江續志

卷二

鹽茶

二

減半至是計商朱敬敷等以積征困商控鹽釐由是截止應星等以現在軍需改作夫馬每條銀一兩向加派錢十千至去歲減至四千五百非鹽釐按濟數必絀請照減半復徵明年又以秦岍病民請飭歸岍控均未允

並檔冊

光緒二年總督丁寶楨因候補道廖炯請官運商銷既奏於瀘州居中置官運總局并竈所置廠局各岍分置岍局廠局就井竈糴鹽授之岍局岍局受而糴之商人商人配運出納皆筦其權于總局

綦岷局委員二人轉運黔邊鹽以丞碎州縣領之
設司事三人一管銀錢一管帳目一管雜務清書
秤手各一人卡委員一人填換邊計鹽票以佐雜
領之設經書一人經費局委員月五十兩卡委員
三十兩司事者月入十一兩或八兩勤慎者歲終
有獎清書秤手月入四兩健步巡丁工食並一切
工費月五十兩綦局在縣南關外三里永濟廂鹽
倉二十四間距局里許官鹽提撥卡在江津縣四
十里江口分卡在縣三十里三溪先設石角鎮趕

水兩卡後併為一綦江計引富順廠一百四十六
三臺廠十二射洪廠五蓬溪廠二十二均水引官
運綦江并鍋電課稅六百二十九兩六錢二分五
釐水引稅共九百八十五兩又五釐水引截角共
一百一十一兩總額共一千七百二十五兩九錢
三分歲扣支綦江縣養廉二百八十五兩三分六
釐籤驗費二百七十七兩五錢盤驗鹽茶吏書巡
役工食十八兩綦商朱明輝范雲集水底銀百八

十五兩

鹽法志

按綦岸行商六號義益全與陝

入寶興隆大生美川人恒昌裕天全美黔

人黔入新高初小販多積逋至是責還舊債無免者商人或與委員串弊獲利甚豐民間游食貴鹽徒咎立法者而已

茶課

光緒三十二年因茶務廢弛茶丁藉端滋擾職員王大年商于三費局紳請將茶糧茶稅銀八十八兩九錢七分歸併稅釐項下撥解經知縣孫樹琪批准牌示并給茶商王成武墊解銀百兩飭將前領札冊繳局不復徵之民間以蘇積困

宣統二年知縣吳慶熙轉奉鹽茶道尹札開據巴

縣里正楊子春等具稟改良茶業設立官茶總店一案札商務分會牒奉當將窒碍情形縷稟在案

總理王大年牒略竊查綦邑產茶無多舊有茶糧茶稅向招商人收解銀十餘兩後陸續增至十八兩九錢七分悉由茶戶攤派而產茶之區僅有永安附三里粵連南黔江津離城頗遠業茶者零星間種故戶口雖多納課多則數十文少僅數文茶戶因所納甚微若親身到城完納每慮往返數日費鉅牽延若託人代上而事小易忘輒多貽誤茶戶之課稅未完不能不強迫茶商縱茶商竭力搜求何能足徧問里逐戶追呼迨賠累既深不得已而稟請籤追差等下鄉輒藉抗課大題纏擾茶戶等於地丁一案或數千數十千不等沿此流弊有田產售盡售時未計茶課至無田而更擾累者有弟兄析產倏忽遺忘迨差追推委遂構訟窮年不休者商農交困道路吞聲數十年來挽救無策至

茶課之外又有茶稅商人于產茶之處復設官稱徵收稅款每藉漏稅勒括以償賠墊為詞流弊叢生如視茶為盜竊之物緣此之故舊栽茶樹不惜剷鋤何問新種常年出產不敷本地日用全恃南川接濟然猶有白茶一種俗名老鷹茶只銷江津一帶其樹易繁而味薄劣貨拙價低連巔摘賣每斤僅售錢二十文之譜茶人棄而不用鄉農乘此射利每值春時襍各樹嫩葉嫩巔不惟有碍衛生且於森林發育大有妨害茶業至此人人悼歎縣紳吳廷懋屈純忠等有鑒于茲力求整頓邀集閩邑紳糧籌議僉謂綦邑茶業墮敗由于課稅擾累議在津貼三費契捐項下撥銀代納俾民間豁免催科以為廣勸種植之策故于光緒三十二年稟請前縣主孫立案取銷前商以蘇民困而挽茶業奈茶業廢弛已久農民狃于習慣并鑒前車語以改良種植圖謀銷路以開利源彼等實實視為畏途至若驟設總店綦邑茶戶零星出產甚微或三五斤二三斤不等各場便賣不能聚集場市總店

四川綦江續志

卷二

鹽茶

亦不能各場偏立四處零收茶戶亦艱于此須茶葉遠售總店其設總店之窒碍實在情形也况總店成立必須頒發規則令茶戶一律遵辦鄉農無識因前日課稅已如驚弓之鳥一聞章程領定反疑日後功令不知若何紛擾刻種之風必復見于今日邑設農政勸入種桑亦因種茶生畏鄉民疑桑樹成林納課受累以致創辦種桑前途亦受影響以上種種窒碍目前開設總店難生效力云云

附積穀

光緒六年六月總督丁寶楨因山陝荒旱飭通省舉行積穀大略以歲石穀捐升為差就各市鎮公所儲之有司為之封鎖掌管於紳糧有短少雲變

惟經手者是責即年久折耗亦以石三升為率遇
歲早請於有司計穀與人放賑既賑報糶幾何不
取值復不取償有司去任列入交代後任務盤查
報結七年檄修倉每間限錢六十到每穀百石提
六石充其實不足濟以肉釐是秋停止邑初積穀
共市斗二千零三十石零二斗二升自修倉後實
存市斗一千九百零八石零六合八勺現倉書具
結存案

四川綦江續志

物產

禹貢紀物以地至周則職方氏之畜穀固猶以九州言也而大司徒所辨動植又言五地是蓋取墳壤泥塗而今言之者而皆歸於知利害則其意果何如耶綦之物產前志已志大要息耗盈虛數十

年而屢變不有紀之不知其窮茲得於鹽茶外瑣

瑣及之未始非司土者之所當留意者也志物產

豆之屬 京豌豆

其實小宜瘠土 九月黃

十月黃

俗謂之半

四川綦江續志

卷二

物產

七

年豆其實遲而大

蔬之屬

藥波菜

羊芋

宜瘠土為山人饋貧糧

乾芋

亦名魔芋

菡醬

俗謂之木醬子即藥部方物贊之浮留藤

繡球白菜

菘之別種也其包如

球不得地則坼而青不可茹

鱗角菜

包包菜

筍子菜

三者

均與青菜類而各以形異其種之也同大頭菜熟之時亦同產縣治對河兩菜壩者佳 按元和志

果之屬

洋花生

木之屬

嘉定桑

其條遠揚其葉沃若

藥之屬

杜仲

百合

枳壳

前明劉蒲者官江西清江縣携歸裁自附

里沙坪壩始醫家云味濃肉厚勝於他邑縣治以上尤勝然不產於高崗同治以前價頗昂有以此起家者光緒初年斤數錢且不得售植者至伐其樹以作薪年來價又騰貴謂西洋嗜此如茶云

蠶之屬 四季蠶 目山絲利微養家蠶者日眾

禽之屬 洋鴨 西鴨

獸之屬 馬耳狗 似狗而小馬耳也其行必雙必羣且相負疑即視也豺虎亦畏之喜捕野猪野猪多出安附里山谷間掘啞山中豆麥種輒盡自有是物搖其後食其腸胃其踪遂絕

按寰宇記漆州南州出象牙今無

魚之屬 比目魚 產安里穿洞前志作隻眼魚即此其水發源黔境至邑梨圓壩焉入

硝洞不數里突出李漢壩山腰洞中洞西層高約十餘丈廣稱是水飛瀑下注瀾為塘塘多是魚長

四川綦江續志 卷二 物產

二三寸許僅一目如側面形而魚合體始能游泳若移畜之輒死或云產羊又灘味薄過此為他魚

雜物 鑛 鑛色尚青紅次之青礦都不易得燒礦

高爐亦名堆子其地有內外山之別外山為邑之士始其鑛僅治雜物內山則仁懷之魚秋面麻子

塘及邑之張思壩等地鑄錢鍋者必內錢錢鑄為生板多售江津之真武場大江邊之瀘涪二州但

山澤之利有限至今洞老山枯所需炭又輒購之數十里外誠有如朝野雜記輿地紀勝所云礦苗

少取炭遠也自宋廢鑄以來未聞官家采辦殆以是歟大抵民間之利錢為最其次糖其次棉紗其

次山貨又次油酒烟靛之屬糖雖非綦產東可運南川南可運遵義以外近有起家者山貨非一物

率視時為消長棉花向亦巨商自洋紗暢行今寢衰矣而善治田蓄山場者其帶財亦有時不在錢

下若暴富入究 炭 承里蒲渡河一帶綦南交界 津津於燔鏡云 炭 處產煤炭可運江津巴縣涪

州間上者名油煤亦有名炭花者烟淨鼓更烈白 沙釀酒者謂較他炭得酒為多其考者名糠炭冬

時亦多 木炭 山絲 初邑之扶歡壩於夏秋間商賈遠 臨贊巨萬山抵抱絲而至時有

所謂絲滾子者合會二家五都駢望洵乎其劇鎮 也軍興以後河南之蘭種日窳飼者非殺於雨電

即諸病雜出而山西大賈又非前此之豪侈於是 減色矣近則購出外洋商賈復盛但質絲者漸移

云 城 名異 安里棺木岩於光緒間岩崩見層石疊 立兩石中龍者蛇者魚者蠃者蟬者簞

者太極圖者如土 木異 安里安穩壩黃巖一株 就范石縫劃然 高與山齊根盤數里相

傳為明初物又李漢壩白菓一株大五六抱又九 盤子羊古腦大楓各一株俗傳一雌一雄又永里

乾溪漕有兩老樹附庠生王國佐兩老樹記乾溪 漕之牛心山距治東七十里而遙通滇黔大道道

四川綦江續志

卷二

物產

旁有梨樹二株修數仞周數十圍幹古而陰濃不 知其槩雲推日沈酣霜露者幾許歲鄉人以兩老

樹名之見其根互盤體平抱相生相讓有親愛意 枝葉間迴環迭護陰陽錯摩有傲戒意始合而分

約三尺餘復分而合連枝榭蓊密處右株穴洞開 左株突起一榭透穴外如中葺含情焉而又曲繚

附固皮肉膠粘更若纏綿不解龜勉同心意凡此 皆不謬於君子偕老之義故以名夫梨一作橘音

近於離而此偏合又性冷而此則情似熱此曷以 故考之南史梨為百果之宗楊子方言眉黎老飴

老也斯其所以與凡卉異經千秋而不凋歟唐時 九仙殿有雌雄樹殆遺種耶其樹間歲一結實頗

繁花纍纍如貫珠然最宜消暑渴人之竭來而借 陰以求食者莫不矜其異而傳之或以為地脈孕

祥或以為人世有徵兆皆未可知而花時不知亦 有與王建同夢者否其食是實也當亦珍如交梨

而與之並壽爾饒君贊元賞奇士也居與之鄰墜 而老古樹碑於側今更屬國佐狀之以示來茲云

按元和志唐書郡縣志秦州貢楮皮布黃蠟今惟
安里間有取蠟者又前志引本草綱目秦州出無
節竹謂今無之按北戶錄亦云秦州通竹直上無
節空心殆本草綱目之所本歟又接通志府志俱
云秦江出實竹
未知何據

四川綦江續志

學校

綦之學校自鄧毛二公整頓以還田趙二公繼之諸事漸臻美備東溪明善書院亦復振興科名稱濟濟焉今既改立學堂全款提歸學堂費用往事已作罷論矣惟是典章具在前之人實寓苦心著之俾來者有所考云志學校

文昌宮公局各款

自設文昌宮公局各款

四川綦江續志

卷二

學校

十一

學額 軍興以來綦以免解津貼作為防勤之費未

蒙加廣學額嗣知縣楊銘迭次申解銀五萬餘兩

屢欲援例請加皆梗不遂同治十一年知縣田秀

栗復函商涪州南川拱縣各據情詳請總督吳棠

於十二年正月彙奏又適當奉旨停獎之後禮部

於是議駁棠亦摺內漏寫奏字交部議處嗣田秀

栗復以助黔軍餉巨萬據情詳懇貴州巡撫曾璧

光奏獎仍未獲行綦於咸同以後文教寢盛雖邑

之安遵里毘連貴州時有邀鄉薦去者而邑中童

試日眾究不乏績學而老絀一衿之入幸學使張之洞不拘舊章於光緒元年歲考撥入府學二名於綦著以後歲科試永遠為例士氣得以一伸蓋綦向祇歲試撥府一名耳

瀛山書院師課費 同治十二年文生黎正攀等於省垣收回存辦學額公項銀百六十兩合錢二百八十九釧公局足成三百釧時袁海山違例報捐願入錢五百釧贖罪以石佛崗街房二間算歸公局實補錢一百釧光緒元年韓獻之亦願捐錢百

釧並存公局生息每年付利錢八十釧街房亦可歲納租錢二十餘釧並作師課膏火及課卷課榜一切之費每課內庠正副取各四名外庠正副取每六名無論內外庠獎正取各錢五百副取各錢三百時知縣教立榜山長吳澤棠也嗣於十五年戶書李培山金殿宣等浮收丁糧為同事高梧生等發覺知縣趙履瀛斷令將培山等近置產業罰歸公局歲率收租穀七十餘石紳糧等議三分之以一作考課費於官課內外庠正副各加一名

外加師課內庠正副各一名外庠正副各二名者
為例蓋其時澤棠復為山長而履瀛適改修書院
門道矣

經古課費 光緒十六年知府王遵文案發銀五百
兩飭令生息增添膏火時知縣趙履瀛即將此數
存商按月生息創立經古課歲訂六課分起特壹
三等起等四名獎第一名千六百錢二名千二百
錢三四名各千錢特等六名前三名各八百錢後
三名各六百錢壹等十名前五名各四百錢後五

名各三百錢定章立案嗣邑紳賈茂危聯奎等撥
安里公款庫平色銀百五十兩王萬周繆炳成等
撥永里公款庫平色銀百有十兩助之三費局士
楊材選張先祥復撥公款銀以足三百兩之數仍
交商照八釐生息是年六月加添起等二名各并
錢特等四名各六百壹等十名各三百在案時以
長吳澤棠齊長伍懋萱吳光憲

增添賓興公車費 向章賓興費每歲有鹽商息銀
一百五十兩公車費有租穀銀四十石開辦同治

口年購文明廂坐房一間歲率納租錢數十釐各以半入視年限人數為多寡光緒五年總督丁寶楨飭於內釐項下撥濟此費知縣費秉寅稟准給鄉試銀人各二兩會試銀人各五十兩十五年知縣趙履瀛又以戶書李培山等田產歸公於膏火外歲所餘穀亦各以半入屆期售穀照銀攤派後公局復添五頁花紅路費由釐添引見驗看費事久弊生不無冒濫迨新政繁興始停

縣試卷課卷兩費 光緒十六年齋長伍懋萱吳光

總集議試卷每本減價二十錢合卷面稿紙仍十二頁課卷每本減價八錢合卷面仍六頁無論局門與否生童各以八錢買卷禮房於交卷時給還每課給禮房紙筆錢二釐

舉報節孝費 光緒九年齋長屈純忠文體先議定以後有請旌者公局代給學書房禮房紙筆錢各一釐

改修瀛山書院門道 初書院取道南城根規模湫隘欲改修若屢也而卒不果光緒十六年山長吳

澤棠三費局士張先偉請於知縣趙履瀛履瀛捐俸六百元買文明廂街房二間以拓基址並籌款建門三重直達講堂局勢較為宏敞時齋長伍懋萱吳光聰監工鄒登魯翁永瑚

森寶樓 在書院東院光緒十七年冬因改修書院木工燥木不戒於大樓用以燬逾年齋長伍懋萱吳光聰重建移舊魁神位於講堂中祀知縣趙履瀛位仍署知縣毛輝鳳貯書記於上

烟雨亭 書院門道既改復購對面房基二間建立

照牆後餘空地毘連軍流所廢址邑紳楊材選等請於知縣趙履瀛以北城養濟院廢址為軍流所地即於此建賞溪樓烟雨亭以培文風

旌善亭 宣統元年知縣吳慶熙因邑紳吳光鑾之請籌款重建亭於石佛崗通衢官廳之旁擬再舉數人榜書于上未果

營盤山廢塔 同治十二年知縣田秀栗建尋毀禁止打石 光緒十五年十二月齋長伍懋萱吳光聰以文昌宮聖廟對岸龍角溪龍寶石前後上下

左右兩旁為閭邑風水所關稟請知縣趙履瀛出示立碑禁止無論官地民地永遠不准開山打石違者送究

東溪明善書院各款

興復明善書院 自邑進士陝西漢中府知府陳燮
塾創興後廢棄幾二十年同治十一年知縣田秀
粟任基開訓導蕭世楷言及兩詣其境為之清還
施業修葺舊舍諄諄勸諭集貲萬緡歲約納租穀
四百石即聘世楷為山長舉行月課賓興復撰碑

四川綦江續志

卷二

學校

十六

記學約條規詳請立案世楷主講三載籌畫之力
居多十二年大保正夏元泰文春田楊漢潮新舊
齋長陳雍危大峻陳洪籍夏尚忠陳時若羅際唐
趙應多泐之碑光緒二年貢生趙元輔增生危聯
奎等復減定章程稟請知縣覺羅英溥重刊碑立
案

舉行公車賓興費 光緒十八年監生羅華元文生
陳時舉等舉行公車賓興定章程稟請知縣趙履瀛
刊碑立案

鳳鳴塔 在書院對山觀音巖同治十二年山長蕭

世楷建

魁星閣 在書院內同時建

四川綦江續志

三費

三費自楊公創興後事與學校並重近已提歸財
政命盜二案不復舉也但當時頗費經營始克成
立歷年既久斯民稱便遺澤何容湮沒茲為撮其
大凡庶後之人有所考鏡云志三費押保所書差
規費舊皆隸於三費故附

邑舊命盜案件招解相驗緝捕等費取之民間不肖
書役里胥往往任意科歛地主不足索之地鄰數

四川綦江續志

卷二

三費

十八

十里外亦波及焉良懦小民每因此鬻田販宅獄
吏道斃者有之全川之弊大率類此故仁壽始以
肉釐充費民稱便前按察使牛樹梅札飭通省舉
行同治三年知縣楊銘集邑紳耆籌商此事惟其
時邊防未撤支應實繁無以籌茲巨款而場市無
多又難準諸仁壽初邑中遵照總局定章設軍需
局由大糧攤派帶征以供防勦兵差之費歲輒不
敷又適奉部派應解洋藥釐金千餘於咸豐十一
年權權商捐用資挹注自是撥入三費以公濟公

復損益江津章程具詳大憲出示開局以邑紳戴琛饒履豐領其事民咸樂從行之年餘商捐無幾不適用邑紳糧於五年正月請籌款接濟銘飭倉戶房照大糧條銀納算自一毫至一錢者輸錢二百遞加於納糧時先詣局納三費然後執票納大糧無漏無紊民無所苦惟恐違例未敢上詳耳至九年合計五年所入於支銷外所置田產歲約納租穀六百餘石惟歲凶豐不常租不能全納價又昂縮不時索費亦難預定多寡若僅此數勢必絀

請展捐一年時知縣楊昌錦以稅釐既設茲事未經上詳罷之然是時猶藉助商捐也嗣因商捐復撤局士王仕京王萬圍於光緒四年請於知縣英溥復擁肉釐以濟其費而書役輩乃往往乘局士更代浮濫浸漁債日積幾於不振於是公舉張先達楊材選為局士一一核實就刑倉房遊殷實房書各一人服其役不他雇傭自是頗任使得入顧健訟之徒輒以訛索不遂串同差役控報身死不明添砌情節多列朋党主使跟交名目並不通知

團保亦不赴局蓋獄私行傳遞莫聳准以為嚇詐
分肥計中飽之後私和了事即使驗屬子虛照例
懲責而無辜受累已經敲骨剔髓材選暨張先偉
吳澤棠賈茂等請示嗣後凡無三費獄記報呈先
令值日差即帶原告候質一面傳集該管團保訊
取確切供結再予詣驗如屬虛誣串弊勒賠局費
外仍治以應得之罪時十七年知縣趙履瀛也是
後招解案少費始足局中收支實存數目歲率集
五里紳根核算一次張示局門質於案自知縣烈

四川綦江續志

卷二

三費

二十

善源後復繕清冊節報存房以達於大府歲約納
租穀八百餘石契捐銀四百餘兩肉釐錢一千二
百餘釧後興學田開學務局曾撥此產及改革費
提財政而局廢也

附押保所

綦舊諸罪囚無重輕皆隸於監大為獄卒所苦嗣邑
紳等請別置一所名曰卡以繫諸罪囚不應死者
事見前志久之枷犯與盜犯雜處老犯多私刑卡
差又藉故勒索視監犯更甚同治十年六月邑紳

等以枷犯與盜犯殊科諸州縣各有枷房班房為
枷犯棲息地與卡犯別請於知縣田秀粟募貲於
頭門側構房數間一切經費三費局給焉日有啟
閉刑書主其鑰未幾鑰歸門丁案無大小皆違之
弊浸以起光緒七年閏七月局士楊材選張先偉
請交鑰三費局照舊雇刑書司其役十二年九月
又請掌鑰二人局雇一人與刑書共不時更易以
杜其弊雖然亦視有司之種福與否何如耳
附書差規費

初總督駱秉章曾飭各州縣定書差規費事久生懈
光緒三年總督丁寶楨以書差仍復需索飭各屬
一體嚴禁以後差役無論大小案件每案准原告
給錢一串過堂一切費用給錢二串六年知縣方
城刊書鐫碑署側並鑄錢碑三費局中蓋綦自同
治以前書役等事權頗重屢釀巨案始稍稍戢然
距治寧遠如安遵附三里以上猶時有蕩盡中人
之產者而近來募參與吏刑戶倉等房又動需千
金以外五里領班復分充多人費亦不貲以故得

差一案往往居為奇貨甚有誘嚇良民虛控怨家
行賄幕賓冀准多案者衰弱之家不敢與校其風
復浸浸熾所以咸豐間邑紳等曾以書役之害呈
請大府頒示上年復請于有司照章嚴禁焉

四川綦江續志

兵事

武成難信魯僖誇大經且見譏而况於史綦志補修兩次軍務一事稿出幕友不無失實時人有議之者今已無從更正也辛丑癸卯之役雖事始於黔末為猖獗然既興師動眾究於綦大有關係茲為據事直書無嫌瑣瑣者之亦人心風俗之一助云志兵事軍需驛站附

光緒二十六年神拳難起聯軍入京以致 兩宮蒙

塵餘殃偏於天下及明年而綦祠禍作也先是神拳遺孽有馬姓者從北來旅於邑扶歡壩場傳習邪咒咒數徧人即昏倒片刻忽起立持刀舞械悉便捷醒後仍不自知又能為神水治病無不效且疊席數重為壇使從不識字人登其上假諸神號降諭文作詩歌手不停揮頃刻數千言琅琅可誦其說大都以保國滅夷為主由是人益神之而信從者眾矣浸尋及於貴州桐梓縣境蔓延數百里莫不響應即有識者從而警覺之而迷入其中不

能救止桐邑陳秀後恩貢也初感於扶乩者之
說在其境白路垣城隍祠設壇請乩乩筆所書無
非謂大劫將臨人當為善不為惡方可消此劫運
陳深信之迨神拳事起往決於乩乩亦謂必習此
術始可扶持中國而陳乃墮其術中矣由是自願
為之領袖而神拳者羣推戴之立隊位置軍械
晝夜不息舉國若狂時有傳耶穌教者以其事聞
於綦桐兩邑令相令簽差喚陳陳不敢出又值綦
令莊定域親臨邑青羊市查勘其事時八月十八

日也市紳蕭際雲與陳居近素有隙陳疑際雲所
為而兩家以黨復羣相構煽謂綦令之來將以捕
陳陳挺而走險遂當夜急遣其黨數百人發難於
際雲圍其宅火之際雲家富室宏敞舉家毀後壁
窗櫺逸去始免于難莊令即飛稟上憲桐令及鄰
邑南川縣令亦然於是兩省兵星夜紛至民間謠
傳謂將編剿三色居民又謂陳將率眾出門而入
洞者上寨者携家遠去者不分晝夜嫁女者風聲
鶴唳驚擾數邑幸陳自出就執兵始解然是役桐

邑有勢力者得神拳諸名冊挾以歛錢而人之破
家蕩產者亦正不少論者謂習咒扶乩律有明禁
陳本讀書人又嘗以忠義自矢一旦惑於邪說不
但不能全其軀更株累其鄉人吁何其愚歟孟子
云經正則庶民興庶民興斯無邪慝斯言信不誣
矣貞生戴世懷述改革時陳子狙
殺際雲于途
袁清芬者俗號袁神仙貴州仁懷縣小溪里三岔河
人也祖某歲貞生父顯猷廩生清芬與其兄均芬
俱宗儒教習拾乩儒教者佛教道教之別名也與

言休咎頗有效由是而神仙之名以著光緒二十
九年十月路拾一石大如掌裹以紅綾目為玉璽
詫於眾曰此天命也習其術者刀砲不傷初清芬
喜獨宿會其妻竊聽聞室內似與人語突入窺覘
見一金甲人卧榻上疑以為龍而其時三岔河中
魚復繁盛輒浮游水面人固已異之也故自是族
鄰多為所惑署温水廳經歷吳靜安微聞其事出
點團便道入其家其兄均芬圍首也啖以甘言臨
行饋遺亦厚吳俸信之遂出示謂袁清芬心神悅

惚不久當愈民間無得造言生事眾以為然而清
芬益肆附之者亦益眾延至十二月清芬口稱專
打洋教將由雲貴直至西洋滅洋國時值歲暮仁
懷縣知縣譚令亦姑置弗問邑保正庠生劉燦見
匪勢日熾恐其蔓延至境飛稟邑知縣劉廷棟適
府委營弁李純嘏帶保慶營兵一哨巡縣劉令促
往彈壓并即上詳逾年新正元旦李弁至石壕會
商汎弁趙福勝調團協防不料袁清芬於初五晨
出其不意率數十人突至温水吳倅調團未集僅

江副哨帶西路營兵十餘人在場拒匪匪等四面
兜圍當死兵士七名均芬亦斃於砲匪等猶稻稟
繫髮蜂擁入場彼處大保何兆崙率團在下場防
堵見匪勢不敵當邀吳倅退避於十里之四保寨
匪等遂將吳倅廳署及教民等坐房打毀搜去銀
錢衣物於他人尚無傷也至十六日川督錫清帥
扎委永寧道趙爾豐重慶府知府張鐸續備左軍
統領劉兆庚等絡續帶兵由石壕至温水黔撫李
經帥扎委黔軍西路營宋統領遵義府知府劉守

仁懷縣知縣曾沛霖等亦至約於二十夜四路進
勦匪等見川黔兵眾退屯清芬老巢始則黔兵往
攻匪猶冒死出陣繼因川軍開花炮攻破匪巢烈
焰一轟匪始奔潰清芬當被砲斃而其父顯敵所
謂廩生者亦為川兵獲誅死者約三四百人惟其
時雷雨交作官兵避雨稍憩乘間脫逃者亦四五
百人族眾幾無孑遺其餘附從者家產盡罰充公
傾破者亦不下數十百家境為勦洗一空先是清
芬曾祖故武生宅前一塘名曰白龍塘塘有魚精

時化人形遊岬上一日清晨婢報一美女在岬梳
粧武生射之中一目沒水次晨武生焚香堂上見
爐插一箭視之即昨所射箭也由今計之事已百
餘年矣論者謂清芬累世膠庠其為人又忠厚樸
實家號小康雖父子崇信邪教亦不過與人修齋
建醮初非藉端科歛者比而何以遽遭荼毒乃爾
或者疑為魚精仇害恐未必然然地當川黔邊犬
牙錯雜距治甯遠奸民往往生事當道光間穆繼
賢煽亂亦為妖孽所憑即在其境川黔大府因其

地山僻特奏設石壕溫水文武員弁以鎮撫之今
仍若此蓋其地實使然也然既經此番撲滅人人
知警當不至邪說暴行暗長潛滋再貽地方之害
也已庠生劉堉述

附軍需

咸豐元年以廣西羣盜蔓延軍餉艱巨戶部請刊定
軍需章程各直省量地舉行二年二月總督徐飭
各官官捐並札示各廳州縣情形不同勸捐按糧
聽民自便其有願按糧捐輸者應請照成案每條

銀一兩捐庫平銀二兩有減無增蓋因從前酌派
津貼之案自一兩至三四兩不等故議定二兩
為率以歸畫一由紳民自行交地方官解至鹽茶
道庫所不假胥役催迫限於奉文半月內令紳民
切實具稟以憑詳辦時知縣楊銘遵派捐銀六百
兩外當集紳糧籌議願於地丁二錢以上者加二
捐輸公曰請免即於是年隨同地丁帶徵歲率解
銀數千兩其後川黔亦軍務繁興綦又川黔衝一
切城鑿池製造砲械費無出銘於同治元年商

之紳糧卽以是款充其費而此後辦防辦勦以及黔中往來營弁兵差夫馬驛站之費靡不以此供應浸尋加至數倍蓋其時軍需固不復報解矣但局務向白邑紳主持引嫌者遂昇其柄於有司有司不免浮濫卽大府嚴報銷則又託之補城修倉以彌縫之否則以為邑紳所糜費邑紳實未之知矣光緒元年總督文格見軍務已報肅清擬裁各屬雜派檄員來勘知縣某私將紳糧名稟請改為黔中運道夫馬局而綦蒙豁免告示亦未張貼邑

舉人賈茂等控之因是撤省四年大府復檄查知縣某欲減不欲裁邑人控不已前給事中伍輔祥復致文格書備言其累某因與紳糧枘鑿多危以事復上詳伍輔祥賈茂等聚眾抗糧時東鄉適以此興大獄幸明年總督丁寶楨來川全川雜派皆裁而局以撤

附驛站

同治九年貴州鎮遠畢節兩路為賊所梗奏摺公文輒貽誤兩湖總督李瀚章奏請改道綦江時知縣

楊昌錦設驛站十一塘縣治底塘分江巴相三縣
遞送月率費錢百創以兵書董其役其費給自夫
馬局夫馬局前之軍需局也光緒三年十月總督
丁寶楨以各省軍務肅清奏請改歸舊道綦之驛
站以裁時援黔諸大帥亦有自置台站不藉縣驛
者以縣驛稽遲故也

四川綦江續志

祥異

自春秋書災異後天文五行之紀史官不廢然春秋不為災不書而書災異百二十二外僅書有年不書他祥亦無所謂徵應其意可知也又春秋非僅魯事而亦不告不書則縣志之專為一邑設者又何必及他邑事耶旱災水災邑固時有以古入麥岐蝗避之事反觀之司牧者究當何如而顧從而利之乎茲編所錄在軫懷民瘼者應亦觸目焉

四川綦江續志

卷二

祥異

而惻然心動耳志祥異

國朝

同治三年甲子旱米翔貴

斗值千六百錢

五年丙寅米仍貴市且乏米

斗值千五百錢 累募資糶之

六年丁卯市仍乏米知縣楊銘賑之

七年戊辰會試中式一名三四月田竭秧老米

仍貴知縣楊銘賑之

斗值千餘眾請停城隍祠 幫歲並募眾共錢四百餘

剝購米糶之至夏季雨 仍不足復募眾濟之

九年庚午北榜中式一名本省優貢一名三月

市仍乏米知縣楊昌錦出穀平糶初邑紳王槐森以錢千緡
購米平糶嗣昌錦復出倉穀糶之共穀七百五十石飭紳糧買填

十年辛未會試中式一名春旱田龜坼不宜稻

知縣楊昌錦募賑秋幸大熟除夕火奎樓以燬

未年知縣田秀粟募賑奎樓重建火始中街雙牌坊至北街

小北門天明風微而熄幾及縣署奸民乘火劫署秀粟至懲之

十二年癸酉鄉試中式二名拔貢一名

光緒元年乙亥恩科鄉試中式一名連年未貴

二年丙子有年恩科會試中式一名正科鄉試

中式二名

四年戊寅有年六月六日大雨田崩塌十八日

大水知縣英溥賑之溥撥存夫馬錢二百餘到賑災民

五年己卯米貴斗值千錢上下六七八三年亦然

八年壬午鄉試中式二名五月淫霖江大漲金

壩堤崩西城亦內塌

九年癸未米仍貴知縣胡大燾出穀平糶後知縣葉

春榮與大燾交代不相能風折至五百餘石飭三費局公局填還六百石紳糧共三百石

十年甲申旱秋無獲民間至剝樹皮挖草

根冬尤甚知縣劉善源出糠粃賑之平糶

十一年乙酉拔貢一名歲仍旱知縣劉善源出

穀平糶是年復大疫斗值千錢嗣知縣趙履瀛飭紳糧填還

十二年丙戌春田竭秧老米翔貴知縣趙履瀛

出穀平糶後秋熟穀賤斗值千餘共糶穀三千九百餘石秋後履瀛自行買

填

十四年戊子鄉試中式一名

十五年己丑知縣趙履瀛以水災請賑總督劉秉璋准

於徵輸存解款內免庫平銀千兩賑之後履瀛以銀六百兩給五里公用永安二里以其數三

四川綦江續志

卷二

祥異

三十三

百兩撥入經古課內

十六年庚寅三月二十六日電

十七年辛卯鄉試中式一名

十八年壬辰五六月疫

十九年癸巳四月六日風雹雁鳴塔頂折文昌

宮奎樓額均墮毀是年大水知縣沈璘慶募賑

遵里小河塔山崩

二十年甲午鄉試中式七名副榜二名

二十一年乙未夏貴州旱流民闖道

東溪間幾釀事知縣

瞿朝宗
善遣之

二十二年丙申秋淫雨米翔貴知縣瞿朝宗出穀平糶是年夔府一帶災尤甚大府檄運倉穀

京斗萬五千石濟之

斗值十五
六百錢

二十三年丁酉有年鄉試中式二名拔貢一名二十四年戊戌大足余棟臣仇教訛言四煽邑人紛紛播遷

二十五年己亥秋霖雨

二十六年庚子春米貴知縣莊定域出穀賑之

四川綦江續志

卷二

祥異

三十四

斗值千餘共穀五千餘石
貢生屈純忠復募賑

二十七年辛丑鄉試中式二名桐梓拳匪釀事焚邑青羊市蕭姓坐宅兵至事始定

二十九年癸卯冬十一月初一夜大奎樓重燬

老棚亦焚

初小門外火僅數家將熄而小東門外復火焰著民家屋簷延燒近百

家至北街四照樓止較甚辛未

三十年甲辰春仁懷袁清芬釀變邑騷動兵至始平之

三十四年戊申 月 日石角鎮渡船溺斃八

十餘人時當場期水漲人爭渡船載過重

宣統元年己酉奉旨培修聖宮易黃屋 月 日

雷折雁鳴塔項是秋考取縣府拔貢三名職員

一名舉孝廉方正二名十月四日前冕寧縣教

諭舉人林文瀾溺死十一月二十八夜雷是歲

四鄉匪熾婦女露宿富室多遷城者道途亦梗

匪風不易平也文瀾以事赴省天晚有戒心催程至江津之魚梁灘觸石船壞

轎夫亦斃二名

二年庚戌夏旱未翔貴知縣吳慶熙出穀平糶

四川綦江續志

卷二

祥異

三十五

斗值千四百錢共穀二千餘石因邑紳屈厚荃之請由公局三費局籌務處三處認填民間免累

三年辛亥六月安里白岩地塌長約數里是秋

爭路事起邑騷動

四川綦江續志卷二終

焯光危永灼恭錄